

Gvangjsih Minzcuz Bau

ganhhau: CN45-0036 B.2013 Nd.5 Ng.8 liggaueq gveiqceih nienz ndwensam ngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3072期

Denzyangz Yen Dajcaux Cungguek Gizdieg Vwnzva Lijyouz Bouxcuengh

田阳县打造中国壮民族文化旅游目的地

Geij ngoenz gonq, Denzyangz Yen Cwngefuj gaisau naeuz, dangqna j Denzyangz Yen daihlig saedhengz “aen yienh vwnzva mizmingz” canloz, fazcanj gij vwnzva miz dangdieg daegsaek, baugvat vwnzva Baeuq-roxdoh, vwnzva fouxsaeciej, vwnzva Vajsi, vwnzva gwzmingz daengj, haenqrengz dajcaux Cungguek gizdieg vwnzva lijyouz Bouxcuengh. Dangqna j, Denzyangz Yen cingq youq ndaw yienh Denzcouh Cin henz baihbaek Dahbwzdungh gveihva guh

aen cawjdaez gunghyenz hung he guh vwnzva lijyouz—“singzgeq Denzcouh” ginggih hanghmoeg, aen gunghyenz neix yienghsienq gaeuqgeq, daegsaek vwnzva Bouxcuengh noengzna. Boux roengzcienz guh aen hanghmoeg neix heuhguh Gvangjsih Veidungh Cingeq Vwnzva Lijyouz Haifat Gunghsw, boux cungginghlij aen gunghsw neix Vuz Yiswng naeuz, aen hanghmoeg neix gungh roengzgaenz daihgaiq 15 ik maenz, daihgaiq ciemq dieg 1500 moux,

ndawde comzmiz gij doenghyienh gencuz miz byauhcing, baugvat ciujden maenhndei, ranz hek ninz, ciujbah youqndwi daengj caeuq daiz baiqcaeq, dap goengcoj, Baeuqroxdoh gvangcangz, dujshwfuj hung, Bouxcuengh vwnzsi j bozvuzgvanz daengj, guj aeu 3 daengz 5 bi guhbaenz guekgya 5A gaep lijyouz ginggih, saedyienh bi ciephok 600 daengz 800 fanh vunz.

(Yangz Ciyungz Vangz Yenmeiz)

SIUSIK DINJ

简讯

● Daj bineix daeuj, Nazboh Yen nyinhcaen doihaeuj daihsam buek lajmbanj ranzyiemj gajguh gunghcwnz. Daengz 3 nyied daej, gaenq guhsat hanghmoeg sinhbau nem ranzyiemj gajguh gveihva sezgi, haigoeng daengj, gaenq miz 2820 ranz nungzhoh haigoeng gensez, miz 820 ranz gaenq gajguh ranzyiemj sat lo.

(Vangz Bizvaz Liengz Yenjvaz)

● Geij ngoenz gonq, youq ndaw hozdung bingzsenj swcigih gaep “Cungguek aen mbanjranz vwnzva yisuz ndawbiengz” youz Swcigih Vwnzvadingh banh haenx, Nanzningz Si Vujmingz Yen, Binhyangz Yen nem Yunghningz Gih faenbied baengh hawfwen “sam nyied sam”、cietbauqlungz nem “bet yaem Bouxcuengh” ndaej bingzguh “Gvangjsih aen mbanjranz vwnzva yisuz ndawbiengz”.

(Luz Genyij)

● Gaenh bi daeuj, Lungzlinz Gak Cuz Swciyen roengzrengz dawz va’ gimngaenz dangguh daegsaek canjyez daeuj dajcaux, hawj va-gimngaenz canjyez cugmbaek baenz ndaw yienh hangh canjyez hung hawj ginzcong saujsu minzcuz demsou he. Dangqna j, aen yienh neix gaenq dajndaem va’ gimngaenz 2.35 fanh moux, moux canj va 100 goenggaen, guj cungjancjiz 2000 lai fanh maenz.

(Loz Mingzgauj)

● Daj bineix daeuj, Ningzmingz Yen haenqrengz dawz gij youhsi swhyenz diegfaex lai haenx bienqbaenz ginghci youhsi, daihlig fazcanj youzczabza, dajndaem 5 fanh moux, caemhcaiq youq 3 bi dauqndaw ndaem daengz 10 fanh moux, haenqrengz laebhwnj giz hawj lajmbanj ginghci demhwnj haenx, doenggvaq daegsaek canjyez gya’ gvangq diuz roen hawj nungzminz demsou.

(Couh Yizganh Yangz Yenginz)

Dasinh: Banh “Fwenvuengz Yenzswnghdai” Doxdax



大新: 举办“原生态 山歌王”大赛

4 nyied 27 daengz 28 hauh, Dasinh Yen gawjbanh hozdung cimhra daih’ it gaiq Dasinh Bwzvei “fwenvuengz yenzswnghdai” doxdax. Baez hozdung neix dajyinx le 117 doih canghfwen daeuj camgya. Ndaw doz dwg song boux canghfwen coz ndaej daih-ngeih mingz haenx cingq haenqrengz haeujsim dwk eu fwen dangdieg.

(Cauz Van’gyauj ingj)

Yungzsuij: “Haj Daih Godangz” Beizyangj Saujsu Minzcuz Nungzminz Moq 融水: “五大课堂”培养新型少数民族农民

Gaenh bi daeuj, Yungzsuij Myauzcuz Swciyen doenggvaq hai “haj daih godangz”, lai cungj fuengsik beizyangj saujsu minzcuz nungzminz moq, haenqrengz gyavaiq lajmbanj ginghci fazcanj.

It dwg hai “godangz dingh”, beizyangj nungzminz “miz cihsiz”. Daj bi’gyai daeuj, gaenq haibanh nungzyez cizyez gyauyuz beizyibanh 28 banbaez, gohgi yeyau 21 banbaez, nungzyez hanzsou dayoz 64 banbaez, beizyin nungzminz yozyenz 5000 lai vunzbaez.

Ngeih dwg hai “dodangz riuzdoengh”, beizyangj nungzminz “miz gisuz”. Daj bi’gyai daeuj, gaenq hai haeuxnaz, makseq, batgak, samcaet, iengangq, dajciengx daengj

“godangz riuzdoengh” saedyungh gisuz beizyibanh 1300 ciengzbaez, beizyin nungzminz 3 fanh lai vunzbaez.

Sam dwg hai “godangz gihdi”, beizyangj nungzminz “miz daegsaek”. Gonqlaeng youq Bwzyinz, Vaizbauj, Anhdai, Dalang, Hozmuz daengj laebguh haeux gauhcanj, makseq gauhcanj, samcaet fouz goenghaih, makbug ndei, gocuk dihanj gaj ndei, gajjndei binjcong mou daengj sifan gihdi 80 lai aen, caemhcaiq dinghseiz guh gisuz beizyin, hawj nungzminz youq ndaw gihdi hag ndaej gisuz dajndaem nem dajciengx.

Seiq dwg hai “godangz ginaengz”, beizyangj nungzminz “saedyungh”. Daj bi’gyai daeuj,

gungh gaihcanj lajmbanj lauздunliz gajjhangz beizyin 83 geiz, boux camgya beizyin miz 4000 vunz, hawj 5000 lai vunz lajmbanj ndaej gaj guh hong wnq.

Haj dwg hai “godangz yenjcwngz”, beizyangj nungzminz “rox ginghyingz”. Daj bi’gyai daeuj, gaenq miz 2000 lai boux ganbu nem ginzcong lajmbanj camgya le yenjcwngz gyauyuz vangjloz gyauyuz hagsib, gungh daiqdoengh 100 lai boux camgya hagsib haenx fazcanj byaekgwn, makseq, faexcuk, faexsamoeg daengj canjyez dajndaem 10 fanh lai moux, ciengx mouseng, cwznoh nem vaiznoh daengj 1000 lai duz.

(Moz Cwngzvej Siz Fu’gyauh)